

一來宿

玄洲精舍梁周處士弘謙題
担與人壁不別撰

李基遠故鼎趙彌絕風雲悠悠千載下更復

屬夫君

子有鸞鶴想甘同麋鹿游懸榻應待我分我

半玄洲

紫軒

玄憲太霞氣赤書洞古文借問軒中主莫是

紫陽君

林君已仙去紫軒名尚存丹光時或現藥鼎

夜常溫

茅山志卷之三十一

茅山志卷之三十二

火八

上清嗣宗師劉大師造

金蕪編

元詩

火浣壇林真人火解事
見水真游篇

真火本無候真人自出現問掃劫灰餘幾見

紅蓮變

真陽以解形四大何足新指窮於為新火傳

不知盡

隱居松二首

露壇樓妙蔭仙籟降靈芬何時三易帳重拂

兩梢雲

真人在山日所至樹以松當知千載下遺子

以清風

玉像龕二首

瑞儀溫比德寶帳曲流光稽首大司命料理

住金鄉

我有紫虛像白玉雕琢成貢之華陽天萬年

斬降靈

耕雲鋤月二首寄句曲山人

周馳

買田靈山下石多如羊羣造物為我耕種之

皆白雲洶湧初鬱勃散漫運氣收歸方寸

間吐作五色文一笑顧妻子未用愁空困

石田不生禾何以養吾拙中宵披白雲自起

鋤明明月無根株滿地散霜雪吾鋤不妄

揮要使蕭艾別惜無植杖翁相對同此潔

夢游句曲二首

脩竹垣牆映白沙紫清宮殿闕煙霞一條歸

路朱弦直三百來年不到家

三華樹下拜青童語我丹砂九轉功維氏不

逢王子昔雷平來訪郭仙翁

次韻華陽道士四首

孫履道

飛神朝鈞天颺輪歷紫垣再拜三元君帝一

吸秘言真空寂無聲至道了不煩縣知往古

人妙挈元氣根

金壇峙華陽家廓通帝居晨啓太霄章寸田

茅雲鋤紛擾蟬蛸聚人間死如如天老受道

畢九光迴鸞車

先天有神物火被嗜欲籠浩劫竟無蹤清光

涵太空出入眉睫間游戲語默中六月混而
一大魔從汝攻

聖師禮南真瑤篇啓東華丹篆寫碧成龍蛇
字歌斜紅梁瞰東溟良獄天之涯西風鸞背
高歸路豈憚賒

暮春計籌山中寄句曲山人

黃石翁

松花落粉啼子規山人燕坐春晝遲石泉豈
非大韶樂日色猶是鴻荒時筠籃竹杖煙中
語青紙丹書林下詩應謝錢唐舊知識白雲
獨往無還期

和陸龜家朝真詞二首并序

袁楠

往歲在翰苑嘗草三茅君制書近句曲外史
寄示陸魯望朝真詞二章蓋每歲大茅君十
二月二日相傳錄天台歸茅山春三月十八
日復歸魯望所製迺十二月而三月獨缺予
不揆用韻以補後章繹繹字書即繹字古率
字作樂呂道士過三茅因書以寄且為異日
朝真之資外史詞氣清簡必以予言為陋也

詞曰

參差窈窕行雲急翠旌飄飄露華濕神君夷
猶疑未來矯首精思若山立瑤臺章徹星斗
冷碧扉丹透紅流影春雷迸整人不知獨鶴
眠松已先醒

右迎真

妙顏朝迴寶衣解乘龍高駝賦過遍山中老
人年送迎一酌寒泉過玉薤翠氣紛霏森孔
蓋挾以流鈴光綵繡帝子高歌歸去來白月
迎雲送飛珮

右送真

寄贈華陽洞隱者

尸坐朝日雙臉黧寢扉曉入香龕雲苔石縱
橫紫絲障藤花清淺青霓帶北山猿鶴似有
約南巖鐘磬疑相聞更欲深居入絕壑築壇
夜禮三茅君

同前贈二首

虞集

獨棹扁舟入白蘋陶公故宅去尋真囊盛肘
後存丹訣書到人間稱道民未覺白雲留住
晚也知蒼術寄來頻手栽松上乘飛鶴當是
華陽第幾人
隱居聞道無人迹麋鹿來依積雪深每占雲

氣得芝朮莫怪丹光穿樹林茅君自騎一虎
下木客或與羣猿吟知爾此時最相憶想予
飛躡度千岑

次韻二首

僧祖瑛

我居東海君句曲道遠那知消息具仙家自
有縮地術夫子無意橫目民遙應洞草充殮
憤不記蟠桃著子頻誰與寄書白土埭好在
伴狂史道人

忽忽一別隔幾塵眼見蓬萊淺復深釣菴每
憶任公子放鶴誰同支道林丹就只應長不
老詩成多是獨狂吟明年就子霞架海先遣
飛車候遠岑

同前贈

楊載

羨君高舉入華陽古洞深鑄石路荒蔽日旌
幢朝旒旄飛空環珮夜琅琅殘霞已試登真
訣祀竈還修却老方聞說陶公雖隱遁猶將
道德輔齊梁

同前

薛玄義

歸去華陽古洞天高情蕭爽絕凡緣牽蘿石
壁書紅葉散髮雲林叶紫煙長史玉經何日

降隱居真訣至今傳
江東却擬尋君去
合景
徊風問上玄

同前

張耒

玄洲別鴻鬱龍從滿谷
蟠雲養萬松外史編
圖金匱鑰隱居留誥玉
泥封丹池雨現龍無
角瑤草春肥鹿有茸擬
借一龍為洞吏與君
來往大茅峯

同前

劉汶

一日書成四海傳
華陽始信有儒仙
神交弘景吹笙夜心在
留侯辟穀年重碧拈春
瓢貯月硬黃臨帖硯分
泉山中物色清無限便
披凌雲到洞天

同前

鄭元祐

一自玄洲手結廬
硯泉分得潤循除
鈎題石記修人表筆削
山經作志書丹竈晚温
松節酒茶甌春點鞠苗
菹殘骸若有登真分亦
欲西游候羽車

同前

倪瓚

道士朝乘白鶴還
樓臺金碧鎖空山
半天華雨飛幢節一
整松風引珮環
丹井夜寒光剌

刻石壇春靜
蘇班班飄然便欲尋
高隱分我玄洲一半閒

同前二首

李琳

天上神仙白玉扉
春雲誰繡六銖衣
人間傳得新詩句
為有高僧到翠微
句容郭裏望三峯
綠翠芙蓉香霧中
安得與君騎兩鹿
碧巖深處聽松風

贈玉虛宗師

王理

句曲山中老鍊師
雙瞳如漆鬢如絲
自騎玄鶴朝金殿
親奉丹書拜玉墀
名姓每承明主問
篇章多出內臣辭
蕭蕭風雨歸來夜
白石蒼蒼長紫芝

贈集虛宗師朝京師

茅山道士人不識
服氣養神三十年
此日雙龜朝紫闕
當春獨鶴下遙天
若逢物外游方士
應問如今第幾傳
龍劍玉函開寶籙
何須重說地神仙

題一峯

王復元

五雲金紫湧仙宮
十八灣尖第一峯
木石陰陰風颯颯
方池掬看小神龍

二峯

江浙東西指顧間
古鐘重疊鷓鴣斑
自憐白髮猶凡骨
千里來登第二山

三峯

曾授靈丹二卯君
至今春臘火燒雲
人傳隨後昇空去
仙鶴飛吟月下聞

同前

薩都刺

玉珮丁當下界聞
天風吹動碧裾綰
剡郎跨鶴游三島
王子吹笙到五雲
洞府夜步傳玉印
石壇月黑禮茅君
若逢天上具夫子
應問丹砂鍊幾分

往游茅山山中佳致非一但詩思遲遲未能道其萬一既還因嘗游之地追詠敬呈集虛宗師

游茅峯

凱烈拔實

筇輿高入碧巖峽
為訪仙人白玉壇
羽服常來千載鶴
霞衣曾駐九霄鸞
洞生芝草山藏玉
人道琳宮井有丹
松下空餘處士宅
幾為梁帝決時難

喜客泉

春水澄澄綠滿池團滙顆滂琉璃江妃解佩珠凌亂淵客當盤淡漫垂坤母由來承博厚馮夷何事現新奇倚闌莫謂曾無喜且玩清冷潤惡詩

元符山房

坐對千巖翠森森萬木攢石函留古劍藥鼎鍊還丹雲逼山窻濕嵐開澗樹寒春禽知客意啼我暫盤桓

全清亭

石抱幽亭深復深當軒翠竹弄清音華陽山酒盈樽綠坐對春泉澆醉心

贈集虛宗師

路入華陽谿水流仙人瓊珮綵雲叢松陰石竈丹煙煖洞裏桃花碧樹幽嗟我塵中迴俗駕無心方外訪瀛洲何當一假茅君鶴復向

三山深處游

游茅山

月忽難

大茅峯頂神仙府石逕崎嶇幾屈盤老兔幻來呈玉印螭龍飛去賴金丹喬松白鶴天壇遠流水碧桃仙洞寒何處吹笙明月下珊珊

環珮欲騷驚

贈集虛宗師

王謙

已字三峯咫尺天龍池一掬雜嵐煙牧齋仙去雲江隱留得清名遠近傳

久客京師喜遂歸日長風細撲征衣歸來相對青山坐杉頂丹光繞翠微

我別華陽歲月長夢中時復到華陽華陽洞府應如昔直至而今噴鼻香

同前

相印心傳本一真豈應鶴馭久風塵清朝大揭無私鑑福地常歸有德人瑞澤林原新雨露歲寒壇宇舊松筠辦香遙祝山中相柱石華陽五百春

儲能行

改至元己卯仲夏不雨南臺御史馳香命集虛宗師禱雨有感賦詩以述

其事

金鑰

大鈞播物生萬殊孟夏草木何焦枯上天無雲久不雨金陵四境田將蕪臺端御史賢大夫憂民憂國忠義俱備請羣神早尤甚遂令驄馬茅峯趨驄馬御史如冰壺科頭赤脚凌

崎嶇躬禱茅君輒有應正直自有神明扶貞一真人王集虛登壇呪水飛靈符驄馬還臺路纔半云有一雨當隨車華陽洞天仙所都卧龍不起誰能驅自非精誠通躬豈何由如此數應祥始見靈霰終沾濡不假真雷轟九區蘭臺今史駿奔走報此德澤覃膏腴然燭一炬香一爐坐致三鶴來相呼豈必西江決斗水輟鮒不復為枯魚天瓢一滴垂龍胡洪波平地三丈餘神功收斂安可測寂然不動如虛無

茅山志卷之三十二